



A DSCÀRR ED TÉ

Di Alessandra Cadoppi

Sàtta i pórtg incantè,
un gîr a pì stufilànd
stra i banchétt dal marchè,
fagànd bâcca da rédder
in mèz ala zänt.

Ti quall dal bãn dé,
ch'fa i ruglètt, infén a zänt
e che s'al vadd ón da par sé
i cãnta una quèlc nôva
par môd ch'a s sénta inpurtànt.

Quall che al tîp rasegnè,
a i spâza vî i sù pinsîr,
con di bón cunséi spargujè,
un insónni par dnanz
e un progèt ch'pôl partîr.

Al dà una man e vluntîra,
l à dal sbózz ch'l é acsé preziàus,
l arspând stièt, con manîra,
con una risé, s'la i vòl,
ânum avêrt e generâus.

Mé a päns: se ti i, a vâg luntàn,
a cgnóssret a sãn furtunè,
a pòs dîr sãul ed bãn
e té t fè nôt starlénna, sé,
pinsànd al dé ch't è pasè.



PARLO DI TE

Sotto i portici incantato,
un giro a piedi fischiando
tra i banchi del mercato,
sorridente
tra la gente.

Sei quello del buongiorno,
che fa gruppetti, fino a cento
e che se vede uno da solo
gli racconta qualche notizia
perché si senta importante.

Quello che al tipo rassegnato
spazza via i suoi pensieri
con buoni consigli qua e là,
un sogno davanti
e un progetto che può partire.

Dà una mano e volentieri,
ha del talento, così prezioso,
risponde schietto, con garbo,
con una risata, se occorre,
animo aperto e generoso.

Io penso: se ci sei, vado lontano,
a conoscerti sono fortunato
posso solo parlarne bene
e tu fai la notte insonne, sì,
pensando alla giornata che hai trascorso.